



天津交通銀行同人俱樂部圖書室

00

左文襄公奏稿卷二十八

起同治七年
辰七月訖入

目錄

搜捕逸賊并劉松山等各軍請獎摺

補陳各軍大捷詳細情形片

懇收回成命摺

覆陳善後事宜摺

料理西征就緒即行赴京陛見摺

劉松山轉戰出力并曾國藩知人之明片

請調馬德順隨征入陝片

趙福信請照原單給獎片

奏稿卷二十八目錄

撤畱吉林黑龍江兵勇摺

王家璧懇以四品京堂候補片

請將道員李耀南改畱陝西即補片

請將趙福信仍以參領即補片

遊擊胡石峰等請卹片

福建購米航海濟軍懇恩獎敘摺

請優獎章合才等各員片

覆陳廣籌方略摺

陝甘餉源奇絀請指撥實餉摺

請將各省酌畱釐金移作西征軍餉片



前借部撥餘餉應由直隸督臣辦理片
籌備晉防請催臬司蔣益澧赴任片

奏稿卷二十八目錄

軍機大臣字寄同治七年七月初二日奉

上諭李鴻章奏連日督軍追剿屢獲大捷西捻全股蕩平并飭各軍查明張總愚下落各摺片覽奏實深欣慰本日已明降諭旨宣示并將李鴻章等先予恩施矣各路官軍進剿張逆在鹽山滄州及德平博平清平等處疊獲大捷逆目次第乞降大股賊匪全數擒斬惟逆首張總愚是否擊斃抑係淹死未據查明著李鴻章等督飭各軍嚴密搜尋無論該逆是死是生總須訪查確實無令渠魁漏網該逆之姪張正江亦尙無下落著一併查明具奏并著都興阿左宗棠李鴻章英翰丁寶楨飭令該將領等乘此聲威搜捕餘匪務絕根株運河等處官軍團練并著都興阿左宗棠李鴻章

奏稿卷二十八

一

官文崇厚英翰丁寶楨等責令各該兵團加意嚴防認真守禦且張總愚屢圖梟水偷渡以求倖脫尤不可稍涉大意各營疊次收降甚眾該大臣督撫等當妥籌善策分別遣散并令將馬匹器械一律呈繳見在兵勇尙難遽撤至將來遣撤之時尤當分起撤回妥爲辦理斷不可吝惜小費就近在直東遣散以致滋生事端陳國瑞所收降人偽淮王邱元才諒卽邱遠才卽著都興阿飭令該侍衛派隊將邱元才及該降眾送至英翰軍營交該署撫妥爲鈴束正在寄諭間據英翰馳奏各軍偪賊於徒駭河大獲全勝首逆張總愚投水伏誅逆屍尙未尋獲等語仍著李鴻章等檄飭各軍會同搜捕務得確情是爲至要將此由六百里各諭令知之欽此

同治七年七月初十日內閣奉

上諭本日據李鴻章由六百里加緊馳奏勦辦捻匪全股蕩平地
方一律肅清并查明首逆張總愚投水淹斃一摺覽奏之餘實深
嘉悅捻逆自倡亂東南十有餘年竄擾數省生民受其荼毒神人
共憤罪惡貫盈上年派李鴻章爲欽差大臣勦除任柱賴汶洗等
股匪本年正月間逆首張總愚復糾合匪眾肆擾山西河南直隸
窺伺近畿經官文英翰丁寶楨李鶴年督兵防勦并經左宗棠統
軍追擊朝廷復調李鴻章赴直東一帶督勦以收眾志成城之效
見經李鴻章會同各軍督率各將領蕩平捻逆并將餘匪搜捕淨
盡具見該大臣督撫等協力同心膚公克奏前已賞還李鴻章雙

奏稿卷二十八

二

眼花翎騎都尉世職黃馬褂并開復處分及左宗棠等降革處分
均予開復自應分別再沛恩施以昭懋賞李鴻章著賞加太子太
保銜并以湖廣總督協辦大學士左宗棠著賞加太子太保銜并
交部照一等軍功議敘丁寶楨英翰均著賞加太子少保銜并交
部照一等軍功議敘李鶴年著賞戴花翎并交部照一等軍功議
敘崇厚當捻逆攻撲天津時督率兵勇紳團力保郡城并籌濟各
營糧餉源源不絕實屬著有勞績崇厚著賞加太子少保銜頭品
頂帶并賞戴雙眼花翎兩江總督曾國藩籌辦淮軍後路糧餉軍
火俾李鴻章等克竟全功著交部從優議敘署直隸總督大學士
官文前在湖廣總督任內暨本年捻匪竄直時均因會勦不力疊

經降旨懲處此次捨股悉平著加恩開復太子太保銜暨勦擒不力革職畱任處分并賞還雙眼花翎以示錫爵酬庸用彰慶賞至意欽此

奏稿卷二十八

軍機大臣字寄同治七年七月初十日奉

上諭李鴻章奏查明逆首投水淹斃得有降賊確供各軍搜捕餘匪淨盡直東一律肅清并請循例陞見及恭繳關防各摺片逆首張總愚前經各軍追逼後在徒駭河投水淹斃情形疊諭該大臣等詳細查覆茲據奏稱張逆實已淹斃并鈔呈降賊王雙孜供單是該逆自知無可偷生投河淹斃其屍身被水漂去情節似尙可信降人王雙孜卽著羈畱在營備質所有查明張逆下落及勦賊最爲出力各員本日已明降諭旨并將劉銘傳等分別加恩獎勵矣各處逃匿餘匪見雖搜捕淨盡而各營兵勇若仍畱紮德州一帶未免滋生事端著李鴻章飭令劉銘傳等將在營兵勇概行移

奏稿卷二十八

四

撤大河以南妥爲鈐制該大臣俟各事粗畢再行來京陛見原頒欽差大臣關防并著陛見時帶至京恭繳其各營餉項卽由該大臣與曾國藩等設法籌措以資應用又據丁寶楨奏捻股蕩平見仍嚴密搜捕并辦理收降及各營見無降眾各摺片山東曹濟等處地方尙爲匪徒出沒之所此次各軍撤回終恐有著名匪棍隻身伏匿混迹偷生仍著丁寶楨通飭各府州縣文武嚴密搜查毋畱萌孽以靖地方餘均照所擬辦理英翰所帶援剿皖軍著卽移紮黃河南岸陸續撤回其應如何畱防皖省及抽調西征之處著該署撫等會商奏明辦理左宗棠何以久無奏報劉松山郭寶昌疊次追剿捻逆甚爲出力喜昌亦尙奮勉著該大臣迅速查明奏

請優獎將此由六百里各諭令知之欽此

奏稿卷二十八

五

軍機大臣字寄同治七年七月十六日奉

上諭直東軍務完竣以後誠恐餘匪潛藏伺隙萌發而兵團仇殺尤恐釀成禍患業經諭令各該大臣督撫等妥籌辦理惟近聞本月初三四五等日尙有捻股一千餘人并有大頭目在內由德平樂陵一帶竄往鹽山經劉松山等軍擊敗後復竄甯津等處以致難民紛紛遷徙見在情形如何該大臣駐紮處所相距較近著趕緊查明據實覆奏一面督飭各將士迅速殲除毋得稍畱餘孽致貽後患此次李鴻章等捷報頻仍該大臣何以無一字奏報著卽將官軍勦賊情形并交辦各件一併具奏劉松山郭寶昌兩軍當早日部署以便事竣剋日西征前經諭令該大臣會同李鴻章英翰等遴選弁兵隨從前進見在如何辦理著趕緊定議馳奏以慰廑念將此由六百里諭令知之欽此

搜捕逸賊并劉松山等各軍請

獎摺

同治七年七月十四日

奏爲馬步各軍因搜捕逸賊尙未收隊見在辦理情形謹據實馳陳仰祈

聖鑒事竊劉松山郭運昌富珠哩訥蘇肯等於前月二十二十一日續獲大勝賊勢極蹙情形臣於二十六日馳報嗣據劉松山等呈稱二十八日追賊至山東高唐州南之張村遇劉銘傳所部馬隊聞賊已悉數擒斬乃引軍北還七月初一日抵甯津營次沿途收獲甫經薙髮之老賊金本利據供二十七日張總愚經官軍衝斷後與賊目張正祥王老貫率餘黨逃逸初二日劉松山將金本利解至臣營臣親加訊究所供逆首竄逸餘黨尙多情形雖未足

奏稿卷二十八

七

盡信然其時張總愚既無確實下落自應盡力搜捕比卽飭劉松山等挑選馬步各隊及臣軍分駐大柳梁家集之馬隊分道前進劉松山等并挑降人騎馬隨行初三夜四鼓分向東北慶雲鹽山各路排搜而南至初八日因所攜乾糧告罄暫回甯津據報沿途搜捕未見賊蹤而居民傳說各異有言賊甫竄過者有言賊在某處者有言賊止零星數十騎或十數騎經過未停者有言賊騎尙餘數百薙髮買糧假充官兵者迨經督隊掩捕則蹤迹杳如彌望秫叢徒勞跼緝疊次欽奉

諭旨務得逆首確實下落而臣處所聞既有異詞搜尋又無實據若遽以空詞入

告正恐有心立異無以仰慰

慈廡如其附和隨聲實覺言匪由衷捫心何能自釋此微臣未敢

及早馳報之實情也初三日曾將賊供張逆逃逸情形函告李鴻

章初八日接李鴻章鈔送二十九日拜發全股蕩平大概情形摺

片稿知張總愚尙無確實下落摺內所敘張正江逃至南鎮遇駱

國忠兩軍堵住拏獲極多并未明言擒斬臣意張正江或卽賊供

在逃之張正祥比卽刊發捕獲張總愚張正祥王老貫賞格仍飭

劉松山等挑選馬步各軍分途搜捕一面移行運河西岸水陸各

軍暫緩撤防以昭慎密見在尙未收隊頃奉初十日

諭旨李鴻章奏查明逆首投水淹斃得有降賊確供各軍搜捕餘

奏稿卷二十八

八

匪淨盡直東一律肅清是張逆實已淹斃縱張正祥王老貫暫稽
顯戮亦可徐圖弋獲不致別釀事端計劉松山等派隊搜捕又逾

五日如得實在消息亦必稟詢進止臣自當酌度示知免致枉勞

兵力也至事後最宜慎者處置降人一節臣軍所收降眾先後共

計七千餘除被擄孩童籍隸本地者約千餘名當經各軍遣散外

其已經族屬認領者數百名此外籍隸山西陝西及河北三府爲

臣軍歸途所必經者約四五百名擬安插各哨隨同行走就地資

遣回籍其疲乏病弱者約不過數百名遣之無虞惟其中壯健兇

悍者不下四千見經劉松山郭運昌挑畱數百隨同搜捕餘均在

甯津營次此輩野性難馴防之不可疏而操之不可蹙臣擬暫以

軍令鈐東挈歸陝西隨時斟酌辦理大約收降之要在嚴禁搜奪財物及無故欺凌侮辱以導引善機銷其悍戾之氣而察其狂悖險鷲干犯軍令者鋤而去之庶可安反側而潛弭異患此次所收降人內有逆首陳玉成張洛刑餘黨江南髮逆兩淮捻逆遺種頗多非辦理寬猛協宜緩急中節斷難期其弭首降心胥就軌度其效固難期之於一時而一切機權操縱之說非所尚也其善後各節容卽具摺陳明至劉松山郭寶昌兩軍喜昌所部馬隊欽奉

恩旨敕臣迅速查明奏請

優獎見在諸軍分道搜捕尙未收隊回營核辦尙須時日惟前月十六七及二十一等日該各軍克獲大捷當時曾各具稟開單請隨摺保獎臣以葢事在卽勛其共竟全功同膺

奏稿卷二十八

九

懋賞不必先懇

恩施以明勞在人前功居人後之義各將士等亦均感奮思報馳驅效命未敢少休茲奉

恩諭臣謹一面宣播

皇仁傳示各軍聊慰其希

恩望

澤之意一面將劉松山等前次所開隨摺請

獎各員核明開單先懇

天恩獎勵用昭激勸至劉松山郭寶昌郭運昌喜昌勞績卓越久

邀

聖明洞鑒而劉松山忠誠素著謀勇兼資爲各省各軍所推許眾論僉同驗之功績均堪覆按臣處疊獲生賊以賊中所憚首推老湘卽恩承李鴻章獲訊賊供亦大略如是而其尤異者就撫諸賊無不願投劉松山軍營卽積年老賊如邱元才亦先擬投劉松山遣頭目洪順林繞道乞降中途乃爲陳國瑞收錄是其明證也廣東陸路提督達桑阿巴圖魯

賞戴花翎劉松山官職已崇在事最久應如何破格加

恩優獎之處非臣下所敢妄擬伏候

聖裁提督銜安徽壽春鎮總兵法福靈阿巴圖魯

奏稿卷二十八

十

賞戴花翎郭寶昌見已傷愈由河南起程前來尙未到營應請以提督記名遇缺請

旨簡放其應如何再加

恩優獎之處出自

天恩記名總兵鏗僧額巴圖魯郭運昌應請

旨加提督銜遇有總兵缺出儘先題奏請

旨簡放記名副都統吉林滿洲鑲紅旂協領喜昌請

賞加勇號并開吉林滿洲鑲紅旂底缺聽候

簡用如蒙

俯允喜昌所開協領缺應由軍營遴補見有頭品頂帶記名遇缺

儘先奏補副都統效勇巴圖魯富珠哩樸誠銳勇久著勞績堪以先行拔補應請

旨遵行其各軍勞績卓著員弁容臣核明彙奏保獎以彰戰績而勵戎行所有各軍連日搜捕見在辦理情形及遵

旨保獎人員并繕清單附奏伏候

皇太后

皇上聖鑒訓示施行謹 奏

謹將劉松山等馬步各軍六月十六七及二十二二十一等日克獲大捷尤爲出力各員繕具清單恭呈

御覽

奏稿卷二十八

十一

記名提督易德麟蕭章開兩員應請

旨交部照一等軍功例從優議敘

記名提督江蘇蘇松鎮總兵章合才記名提督陶定昇易致中何作霖李就山胡文高陳廣發唐光輝楊福文胡文貴李雲貴楊清源黃萬友余虎恩以上十四員均請交部從優議敘

記名提督熊隆名周國勝喻執益楊見山周雲祥潘運璋蘇大德洪必勝記名總兵李占椿以上九員均請

賞換清字勇號

記名提督許得龍張會元均請

賞給正一品封典

提督銜記名總兵熊有常楊世俊記名總兵張福陞尹興祿均請
交軍機處記名遇有提督缺出請

旨簡放

記名總兵王鳳鳴隋君廷宋朝如均請以提督交軍機處記名請
旨簡放

總兵銜儘先副將方庭芝儘先副將鄧正峰韓尙吉彭得勝康登
五以上五員均請以總兵交軍機處記名請

旨簡放

儘先副將郭占榮請

賞加總兵銜

奏稿卷二十八

副將銜儘先參將李華文請以副將補用并

賞加總兵銜

儘先參將馮殿英張懷玉副將銜儘先參將張傳典均請以副將
儘先推補張懷玉并

賞加總兵銜

吉林協領銜佐領訥蘇肯請以協領卽補并

賞加副都統銜

吉林二品銜卽補佐領委營總趙福信請以參將卽補

吉林副都統銜卽補協領委營總德凌阿吉林二品銜卽補協領

佐領托錦均請以副都統請

旨記名簡放

吉林卽補佐領明慶請

賞加二品銜

吉林卽補驍騎校委營總德明吉勒杭阿均請以佐領卽補先換頂帶

同治七年七月十七日內閣奉

上諭左宗棠奏查明劉松山等軍疊次勦捻出力各員弁開單懇請獎勵一摺提督劉松山郭寶昌兩軍上年冬閒由陝入晉跟蹤勦捻疊著勤勞本年復會合李鴻章等派出各軍力籌兜勦俾捻逆全股肅清洵屬著有勞績自應量予獎敘提督劉松山著賞穿

奏稿卷二十八

三

黃馬褂并賞給三等輕車都尉世職郭寶昌著賞還黃馬褂交軍機處記名遇有提督缺出請旨簡放并賞給騎都尉世職郭運昌著賞給提督銜遇有總兵缺出請旨簡放喜昌著賞給頭品頂帶卽開協領底缺富珠哩著補授吉林滿洲鑲紅旗協領其餘單開之提督易德麟等兩員著交部照一等軍功例從優議敘總兵章合才等十四員均著交部從優議敘提督熊隆名著賞換瑚松額巴圖魯名號周國勝著賞換博奇巴圖魯名號諭執益著賞換綳武巴圖魯名號楊見山著賞換西林巴圖魯名號周雲祥著賞換剛安巴圖魯名號潘運璋著賞換達春巴圖魯名號蘇大德著賞換呼敦巴圖魯名號洪必勝著賞換法克精阿巴圖魯名號總兵

李占椿著賞換奇車博巴圖魯名號提督許得龍等二員均著賞給正一品封典總兵熊有常等四員均著交軍機處記名遇有提督缺出請旨簡放總兵王鳳鳴等三員均著以提督交軍機處記名請旨簡放副將方庭芝等五員均著以總兵交軍機處記名請旨簡放郭占榮著賞加總兵銜參將李華文著以副將補用并賞加總兵銜馮殿英等三員均著以副將儘先推補內張懷玉并賞加總兵銜佐領訥蘇肯著以協領卽補德凌阿等二員均著以副都統請旨記名簡放佐領明慶著賞加二品銜委營總德明等二員均著以佐領卽補先換頂帶以示優獎該部知道欽此

軍機大臣字寄同治七年七月十七日奉

上諭左宗棠奏各軍連日搜捕見在辦理情形及遵保出力人員一摺劉松山等馬步各軍追剿擒股均極奮勇出力本日已明降諭旨宣示將劉松山等優獎并提督易德麟等分別獎勵矣張總愚淹斃情形左宗棠訊據賊供并採訪居民傳說未敢信爲真實證據其竄逸餘黨尙復不少自應迅圖搜捕以淨根株著飭令地方官督率民團實力搜剿如有應需兵力之處卽檄飭劉松山等選帶妥實隊伍相機剿擊仍一面知照運河西岸水陸各軍暫緩撤防以期一勞永逸鹽山甯津等處賊蹤已否淨盡并著遵奉昨日諭旨妥爲辦理該大臣所收降眾數至七千餘人其中并有髮

奏稿卷二十八

五

逆捻逆遺黨若輩懾於兵力窮蹙來歸雖不至遽形反覆而野性難馴駕馭頗非易事據奏將各降眾鈐以軍令挈歸陝西其籍隸山西陝西及河北三府者隨同各哨行走就地資遣所籌尙屬妥協卽著隨時斟酌辦理該大臣俟善後事宜稍爲就緒卽遵前旨來京陛見將此由五百里諭令知之欽此

補陳各軍大捷詳細情形

同治七年七月十四日

再劉松山等軍六月十七日由吳橋甯津追賊獲勝賊目湯松茂率眾乞撫業經臣於二十六日將大概情形馳報續於二十八日接劉松山郭寶昌富珠哩訥蘇肯等稟報始悉是日大捷詳細情形據稱十六日吳橋甯津獲勝後探悉賊在西南距營約四十里劉松山等四更出隊行數里遇馬賊數人送信來營賊目湯松茂率眾二千餘人特來乞降另有賊目周世遠魯成信張鳳儀焦長林等共率眾千餘亦來乞撫均相隔不遠劉松山派弁往探旋據探弁帶湯松茂到營據稱帶眾投營因張總愚知覺追散數百見有一千四五百人軍械已毀特來投誠等語劉松山受之卽令各

奏稿卷二十八

六

歸各隊派員帶隨隊伍之後復進十餘里申刻抵德州屬之汴梁鎮遇賊由南向北而來劉松山等隨卽列隊劉松山所部由中右兩路進郭運昌所部由左路進富珠哩訥蘇肯馬隊與老湘卓勝馬隊張兩翼以進該逆不料官軍突至倉皇列隊餘賊紛紛亂竄我軍奮力猛進槍礮齊施刀矛并舉斃賊甚多賊勢不支悉向東南奔竄我軍追殺五六里張總愚復率悍賊拼命衝撲又經官軍奮力衝殺賊抵敵不住仍向東南敗竄我軍又追十餘里至馬家莊時已一鼓遂收隊駐宿是役共計斃賊七八百名生擒三百餘名內有頭目宋五元程秉清蘇春喜許連珍等多名均訊明正法解散難民甚多奪騾馬千餘匹馬隊營官提督余虎恩受兩傷甚

重其餘弁勇亦有傷亡副將蘇正遠守備沈有貴力戰陣亡應請
旨敕部從優議卹所有六月十七日劉松山等大獲勝捷詳細情
形謹附片補陳伏乞

聖鑒謹 奏

軍機大臣奉

旨蘇正遠沈有貴均著交部從優議卹欽此

懇收回

成命摺

同治七年七月十五日

奏爲叩懇

天恩收回成命事竊臣於七月十二日連鎮行營准兵部火票遞到七月初十日內閣奉

上諭本日據李鴻章由六百里加緊馳奏勦辦捻匪全股蕩平地
方一律肅清并查明首逆張總愚投水淹斃一摺覽奏之餘實深
嘉悅左宗棠著賞加太子太保銜并交部照一等軍功議敘欽此
跪讀再三感激涕零罔知攸措伏思逆捻乘冰橋過晉臣疏於籌
慮咎無可辭追賊晉豫之交未能早日蕆事追賊竄山東直窺津
沽臣且防且剿又未能依限滅賊雖劉松山等馬步各軍盡力追

奏稿卷二十八

六

剿捷狀頻聞而臣之調度無方已可概見緣頻年南北奔馳精力
銷耗前在浙江軍營病後失調致患飡泄纏延至今不愈雖須髮
如舊而神明已衰左手足前患筋惕肉瞞諸證近復加足背浮腫
艱於乘騎故移營連鎮以來僅止親身出隊一次智慮不如從前
筋力亦近頹廢臣亦未嘗不以此自恨也本擬事平後以衰病自
陳懇

恩罷斥而西事方殷未敢遽爲退休之請非但受

恩過重於心有所不安抑且所事無成於義有所不可茲復蒙

殊恩優晉宮銜議敘一等前功旣無可言後效更不可必若復不

自忖量居然忝竊正恐無以服將士之心雖

天恩高厚不難曲示優容而微臣清夜自思能無愧怍合無仰懇
聖慈俯鑒愚衷收回成命俾臣得安心供職勉效馳驅庶撫分循
涯免憂隕越渥荷

高厚鴻施感且不朽謹瀝誠籲請伏乞

皇太后

皇上聖鑒訓示施行謹 奏

同治七年七月二十二日內閣奉

上諭前因捻逆蕩平施恩在事諸臣賞加左宗棠太子太保銜并
交部照一等軍功議敘茲據左宗棠奏稱追剿無功難以忝竊請
收回成命覽其情詞甚爲懇摯惟國家論功行賞自有常經該大

奏稿卷二十八

九

臣其勉效馳驅用副委任毋許固辭欽此

覆陳善後事宜摺

同治七年七月二十日

奏爲覆陳善後事宜仰祈

聖鑒事竊臣於七月初十日連鎮行營欽奉

寄諭英翰奏善後章程各條并請撤皖軍各摺片所奏不爲無見其請撤直隸練軍畱勇扼紮一節都興阿左宗棠李鴻章官文俱久歷戎行目覩畿輔情形崇厚在津年久亦深知其得失卽著該大臣會商良策以昭覈實西征事宜前因崇厚陳奏曾諭該大臣等於軍務完竣擇其願畱軍營者挑選入關除劉松山郭寶昌所部兩軍應由左宗棠統帶回陝接辦回務外其各營勇丁著李鴻章左宗棠酌量情形奏聞候旨派往皖省應畱重兵并免其查究

奏稿卷二十八

三

前案自係權宜辦理李鴻章籍隸皖省都興阿亦久在江南情形自必熟悉并著會商覆奏欽此竊維直隸創練六軍原爲建威銷萌之計迨去冬今春梟匪捻逆兩次擾犯練軍不能制於是朱學勤有請裁撤練軍之奏英翰有另選淮皖豫大枝勁旅一萬八千人分駐東西南三路之奏一在節虛糜一在求實效其主撤練軍則一也誠以直軍新練戰事罕經與其徒有虛名無裨實用曷若仍還舊制可節餉需而見在捻逆旣平亟謀遣撤與其散之四方漫無統紀曷若萃其精銳拱衛

畿郊臣愚竊謂練兵可撤而直隸武備究不宜荒今擬概行裁撤翼輪額兵情願意渙更難望其振作有加且恐因缺望而偶語紛

叟難於禁約此練軍未宜盡撤之實情也遠軍入衛近

畿雖與唐代府兵之意略同然彼用制兵此用募勇制兵多有身家募勇半無根著客軍與土著雜處難保耕市無驚且一萬八千人分爲三路每路各設一統將無論用非其才難資鈐束亦恐彼此未能和協貽誤機宜至勇丁至一萬八千人統攝固非易事總統并顧三路稽察亦慮難周大凡總統之才既須廉勇明幹威愛素孚尤必其部曲中人才稍多乃供分布臣於淮皖豫諸將領雖未能徧觀盡識然就所聞所見言之實亦未敢輕相許與此客軍未宜久駐直隸之實情也方今制兵之不足用由於餉薄而兵不能精亦由營伍習氣已深驟難更革承平無事之時制兵徒供差

奏稿卷二十八

三

遣千把外額按缺遞升副參各員專講應酬何知戰陣一旦令當前敵所用非其所習縱令壯健過人而閱歷未深難免倉皇失措又管轄太多兵至百名以上千把外額占去數名又各占役操兵數名守其舊規牢不可破是雖有練兵之名究難覩練兵之效也臣觀劉長佑練軍章程條理精密所演陣圖亦極合式就中惟營中文員多由上司差派練營呼應不靈月餉徑令赴部請領又餘丁一項有名無實數者均宜更正裁撤而總統分統文武翼長須斟酌去留未經戰陣之參遊都守千把外額尤應撤退歸伍按照勇營營官什長百長之例均選久於戰陣屢經保擢者充之庶幾營伍習氣得以蠲除未經戰陣之兵丁得久經戰陣之將弁節制

訓練倡其勇敢之氣亦將爭自濯磨日有起色矣至練軍未經更定之先各軍概經撤遣直隸須得勁軍爲緝捕梟匪游勇之用本任提督劉銘傳戰功久著在淮軍中紀律頗嚴應否

敕下該提督精選六七千人駐紮保定河間之中暫資鎮壓責成該提督將練軍歸其整理俟練軍有效卽將該軍陸續裁撤似於直隸練軍一事必有實濟統領得人兵民暫時相處當可無扞格之虞官文都興阿曾有函來商推亦頗以盡撤練軍爲疑臣此次覆奏未及會銜合併聲明伏乞

皇太后

皇上聖鑒訓示施行謹 奏

奏稿卷二十八

三

軍機大臣奉

旨著交神機營王大臣俟各該大臣督撫等覆奏到時一併妥議具奏欽此

料理西征就緒卽行赴京

一 陸見摺 同治七年七月二十日

奏爲遵

旨料理西征一俟就緒卽先由水路北行

陛見仰祈

聖鑒事竊七月十三日連鎮營次欽奉

寄諭昨據李鴻章馳奏查明逆首投水確情餘匪淨盡直東一律肅清請循例陛見等情當經諭令該大臣將在營兵勇移撤後再行來京陛見惟見在陝甘等省軍務緊要急須左宗棠統帶原部劉松山郭寶昌喜昌等軍回剿左宗棠卽飭令劉松山等軍一面拔營由山西渡河入陝將鄜延綏榆等處回氛節節掃盪左宗棠

奏稿卷二十八

三

著先行來京陛見陝省回氛紛擾股數繁多除劉松山等軍外各營將弁如有忠勇奮發願西往從征者并著李鴻章左宗棠英翰曉諭各營聽候遴選歸左宗棠節制郭寶昌傷病計已全愈如尙未能銷假卽著郭運昌帶領該總兵舊部先行西進前據崇厚英翰所陳善後各條并著李鴻章左宗棠妥速議奏欽此跪讀之餘敬悉

聖慈軫念西陲速期底定至意比經恭錄行知劉松山郭運昌喜昌欽遵辦理十八日據劉松山郭運昌等稟稱初十日劉松山派隊一由東北一由正北郭運昌全福率隊由德平商河傍黃河出濱州利津一帶搜捕約均於海濱會齊十六日鹽山及小山一路

隊伍回甯津十七日商河武定一路隊伍回甯津沿途積潦縱橫
秫粟深茂各處新城圩寨鉦鼓相聞鄉團引導徧搜并無蹤迹其
派出之順營總兵楊世俊記名副都統全福由樂陵出海豐亦可
次第撤回居民驚疑頓釋劉松山等由甯津拔回連鎮東南臣見
編審降人妥爲鈐束催調天津存餉散給各營以作行糧一俟稍
有頭緒卽分起西還臣卽先行入覲

天顏顛請

訓示大約旬日以外卽可成行惟保定河間一帶秋水甚漲官道
漫溢馬步難行運河兩岸決口未塞車馬時虞阻滯擬輻重由運
河雇舟運赴河南彰德隊伍由景州西行赴彰德臣先由水路駛

赴天津赴都入

奏稿卷二十八

五

覲將來卽由保定南下至彰德乃趨衛懷渡河西向所以不復取
道山西者緣徑道險仄大隊難行而劉松山郭寶昌所部將士久
從征役紛紛乞假過河後尙須從新整理乃可入陝也

諭旨除劉松山等軍外各營將弁如有忠勇奮發願西往從征者
并著李鴻章左宗棠英翰曉諭各營聽候遴選歸左宗棠節制臣

維陝甘之事籌餉難於籌兵籌糧難於籌餉籌轉運尤難於籌糧

臣在陝時已曾約略陳明矣從前勝保多隆阿入秦楊岳斌度隴

皆務徵調兵勇爲迅速驅除之計卒至兵多餉絀回患未平而潰
軍叛卒之禍起譬猶貧人無隔宿之糧而張筵召客強作豪舉有

不嗚其謬者乎論者謂兩淮之人强悍健鬪用之秦隴可以挫回
逆之兇鋒銷淮皖之隱患於計誠爲兩得臣竊以爲不然江淮之
民尙氣任俠古昔已然非生而嗜亂也巨逆如張洛荆苗沛霖亦
非果具梟雄之資素蓄不軌之謀也始奇其詐力而獎進之繼悟
其愚弄而牢籠之終恨其桀黠遂圖舉其類而盡殄之譬猶癰疽
初發不用內託外消之方其後乃爲剜肉之計也淮皖諸軍皆新
立功其將領皆富貴矣若擇其樸勇而稍明紀律者分統之以資
鎮壓又擇廉惠稍知方略之守令拊循而化誨之不出數年積習
當可一變不此之務乃思移淮皖之隱患於秦隴乎隱患在

畿郊驅而遠之所謂移腹心之疾置諸股肱猶可也隱患在淮皖

奏稿卷二十八

五

如圖驅之秦隴是移股肱之疾於股肱不可也論者又謂淮皖以
軍入秦隴必仍由淮皖給餉臣乃過爲之慮無乃太愚不知淮軍
之餉千人每月約銀六千左右雖與楚軍相等然近時每年止發
九箇月之餉計算每勇每月不過三兩有奇此狙公賦茅之說也
士卒之驕逸而難禁制其弊由此皖軍則每勇每月不過二兩四
錢糧食由官給領亦不過三兩有奇豫軍亦然若至秦隴則糧價
昂貴較之各省奚啻倍蓰若不籌津貼固無以齊其力而服其心
若竟籌津貼此項餉銀又將安出臣於張曜宋慶程文炳歸總統
時曾請行首功之賞計張曜宋慶兩軍賞過銀一萬餘兩程文炳
一軍賞過銀三千餘兩此暫時之計耳若處糧價昂貴之地歷窮

年累月之久勢何能支迨日久無功或生他變而罪臣不善拊循不善駕馭臣固無辭然將如秦隴何哉臣不得不早爲之計也見在各營將領營求入陝者多未必卽爲忠勇奮發無須招之使來各省挑軍入陝之舉必將有之未必容臣挑選臣擬俟回陝後將陝甘餉事悉心考究度可養勇若干再擇營哨各官赴安徽河南開募以符楚軍舊例此時誠未敢草率從事致貽後悔謹因聖明垂詢而并陳之伏乞

皇太后

皇上聖鑒訓示謹 奏

軍機大臣奉

旨另有旨欽此

軍機大臣字寄同治七年七月二十三日奉

上諭左宗棠奏遵覆善後事宜并料理西征各摺片李鴻章奏辦理善後并陸續撤勇籌辦降眾各摺片覽奏均悉淮皖等軍見既無願往陝境自請投效之人左宗棠亦稱其於西征情形不便且淮軍月餉數目與各營優絀亦殊諸多未便該大臣擬就見有兵力辦理陝省軍務如需續行添兵卽擬在皖豫等省另行招募著照所議辦理直隸所屬地方李鴻章既稱南勇與民情恐不相習且久役思歸著卽照所議將劉銘傳郭松林等軍陸續裁撤分駐徐州濟甯周家口等處速行籌補欠餉俟補足後卽行裁撤歸籍英翰所部皖軍前據該撫奏稱擬挑畱一萬二千名分爲四枝選

奏稿卷二十八

七

派將領扼紮要地鎮守曾經諭令李鴻章等會商茲據李鴻章覆奏與該撫意見相同著英翰卽將遣將選兵并分駐何處妥籌布置李鴻章所陳駕馭降眾事宜本日已明降諭旨敕令兩江安徽各督撫妥辦矣蒙亳一帶民風素稱強悍將來散遣降眾歸籍錯處尤易滋生事端英翰當慎選賢能收令妥爲整頓李鴻章請令皖撫常駐潁壽一帶就近督察按制所陳不爲無見著英翰妥議具奏捻股投降降賊目及兇惡反覆并籍隸蒙亳從逆多年之匪業經李鴻章派員正法其餘脅從降眾均著收回軍械分別遣畱妥爲安插所請撫輯慶鹽等處難民并彈壓土匪一節本日已諭令官文崇厚辦理并諭令丁寶楨於武定一帶一律照辦李鴻章另

片奏請將傅振邦獎勵等語本日已明降諭旨將傅振邦照請獎
敘并令其來京陛見矣將此由五百里各諭令知之欽此

奏稿卷二十八

奏



外其合其未... 奏稿卷二十八... 奏

劉松山轉戰出力并曾國藩知人之明片

同治七年七月二十日

再劉松山本湖南已故道員

賜諡壯武王鑫舊部臣十餘年前卽知之而未之奇也嗣由湖南從征入皖爲曾國藩所賞拔雖論功按階平進而屬望有加臣嘗私論曾國藩素稱知人晚得劉松山尤徵卓識劉松山由皖豫轉戰各省曾國藩嘗足其軍食以相待解餉至一百數十萬兩之多俾其一心辦賊無憂缺乏用能保垂危之秦救不支之晉速衛畿甸以步當馬爲天下先卽此次巨股蕩平平心而言何嘗非劉松山之力臣以此服曾國藩知人之明謀

國之忠實非臣所能及特自各省言之不能不目之爲秦軍以各

奏稿卷二十八

无

軍言之不能不目之爲臣部臣無其實而居其名撫衷多愧合無仰懇

天恩將曾國藩之能任劉松山其心主於以人事臣君其效歸於大裨時局詳明宣示以爲疆臣有用人之責者勸伏

聖鑒訓示施行謹 奏

軍機大臣奉

旨覽欽此

請調馬德順隨征入陝片

同治七年七月二十日

再浙江處州鎮總兵馬德順於咸豐十年經曾國藩移送臣軍管帶馬隊由干總積功洊擢今職臣前年移督陝甘時調其隨同赴陝適曾國藩已先行調赴軍營臣遂止未調曾國藩旋調其入陝又由陝調赴周家口而畱其舊部於陝見隨劉松山之順營馬隊是也曾國藩既謝軍事飭馬德順入李鴻章軍李鴻章畱辦營務見在淮軍撤回臣請調馬德順仍隨臣入陝統領馬隊伏乞

聖鑒施行謹 奏

軍機大臣奉

旨馬德順著准其調赴軍營隨同入陝差遣該部知道欽此

奏稿卷二十八

三

趙福信請照原單給獎片

同治七年七月二十日

再劉松山等馬步各軍六月十六七及二十二二十一等日克獲大捷臣於本月十四日具摺將尤爲出力各員繕單請獎欽奉

恩諭一律照准惟單內吉林二品銜卽補佐領委營總趙福信一員未蒙

獎敘該員屢著戰績實屬尤爲出力合無仰懇

鴻慈俯准照原單給獎以彰勞勩而策後效謹附片陳明伏乞

聖鑒施行謹 奏

軍機大臣奉

旨趙福信前已照原單給獎矣欽此并准知會本日貴大臣片奏

奏稿卷二十八

三

請將趙福信一員照原單給獎等因查本月十七日業經奉

上諭委營總趙福信著以參將卽補欽此相應知照貴大臣欽遵可也

撤留吉林黑龍江兵勇摺

同治七年七月二十九日

奏爲撤留吉林黑龍江兵勇仰祈

聖鑒事竊臣軍上年北行原帶馬隊兵勇共有兩起一爲喜昌新

練之馬隊一爲全福安住舊有之馬隊嗣於春壽歸臣總統時臣

以山東撫臣咨送之春山莫爾賚額兩起隸之而以訥蘇肯一起

併歸喜昌以當前敵茲當凱旋在卽馬隊各將領均已出征有年

願得暫歸休息臣維古昔之勞還役還率也莫不念其勞而恤其

私卽室家之故飲食之微凡將卒所不敢直陳者無不曲爲體念

代爲抒寫此佚道使民民忘其勞之義也吉林黑龍江馬隊自軍

興以來轉戰十數年戎馬關山未遑啟處茲幸直東肅清距家非

奏稿卷二十八

三

遠若復強之西征似無以慰其懷歸之意且其中實有久役疲勞

傷病增劇必須撤歸調養者臣令喜昌詳加察驗將應准撤之官

兵丁勇八百六十九員名交頭品頂帶題奏副都統新補吉林鑲

紅旂協領富珠哩帶回吉林旂籍富珠哩蓋已出征十有八年矣

全福所帶之黑龍江官兵一百三十二員名吉林頭二起官兵四

百餘員名均交全福帶回旂籍內挑留官兵二百七十一員名准

回旂休息數月後仍由全福帶赴陝西隨同征剿并令全福於原

籍伊通河挑選民勇三百名歸併成營一同帶赴陝西以資得力

其增募之民勇應需買馬製備號衣及官兵赴陝盤川共發過銀

一萬八千六百兩交全福具領來時無需沿途應付此籌畫撤回

旂籍之官兵丁勇及准假增募赴陝之官兵丁勇也其挑畱願隨西征官兵丁勇七百八十一員名分爲三營委佐領哈豐阿吉勒杭阿德明爲營總其缺額一百二十餘名卽由哈豐阿等就地挑選民勇補之同臣軍統領馬軍之擬保提督浙江處州總兵馬德順一併前赴陝西聽候調遣所有分別撤畱吉林黑龍江官兵丁勇數目除咨兵部吉林將軍黑龍江將軍外謹具摺陳明伏乞皇太后

皇上聖鑒訓示施行謹 奏

軍機大臣奉

奏稿卷二十八

三

旨均著照所議辦理惟增募民勇是否可用仍著該大臣隨時體察倘實在不能得力卽行撤回斷不可意存遷就致誤戎機欽此

王家璧懇以四品京堂候補片

同治七年七月二十九日

再臣前奉

諭旨候補五品京堂王家璧著發往左宗棠軍營差遣委用欽此

王家璧旋赴臣營隨臣由河南而直隸駐吳橋連鎮嚴防運河東

岸杜賊竄逸維時西岸所調獻縣民團恨前此兵勇擾累堅拒客

軍不容過河而東岸南皮東光吳橋一帶居民又因西岸有意刁

難遇警過河時每遭搶阻赴臣營懇求出示委員練團自爲保衛

免致播遷臣派委副將銜參將高雲峰辦南皮之團直隸候補知

縣陶檉林辦東光之團候補府經歷韓雲峰山東候補典史韓雲

程辦甯津慶雲之團兼捕游勇逸賊而以王家璧董之先後拏獲

奏稿卷二十八

五

逸賊張洛游勇王老懷等各百餘名訊明斬決南皮甯津各村新
築堡寨六十餘團練壯丁約六萬有奇從此民氣愈固賊無所掠
減河之南運河之東一律嚴固無隙可乘此王家璧因勢利導勤
懇悻惻足以感人之效也近時各縣士民多以萬民旂繖來營者
固卻不得於此亦見民心之不異於古也臣與王家璧向未謀面
二十餘年前曾聞雲貴總督賀長齡林則徐稱其萬里尋親一事
非晚近士夫所有心竊敬之比與相處見其醇古澹泊言動不苟
遇有所見必直陳無隱尤爲心折可否仰懇

天恩以四品京堂候補之處出自

聖裁伏乞

聖鑒訓示施行謹 奏

軍機大臣奉

旨王家璧著准以四品京堂候補欽此

奏稿卷二十八

三

請將道員李耀南改畱陝西卽補片

同治七年七月二十九日

再二品頂帶浙江卽補道李耀南舊隨

臣

轉戰浙江福建廣東各

省屢著戰功洊擢今職今年在浙請假回籍省親措資途聞聞捻

逆竄擾直東

臣

軍駐吳橋連鎮遂航海來營

臣

因隨征寮佐患病

乞假者多畱該員辦理營務以資熟手見正料理西征擬卽令其

隨同赴陝該員久於戰陣明幹耐勞請以道員改畱陝西卽補俾

臣得收指臂之助是否有當伏候

聖鑒訓示施行謹 奏

軍機大臣奉

旨李耀南著准其以道員改畱陝西卽補該部知道欽此

奏稿卷二十八

美

請將趙福信仍以參領卽補片

同治七年七月二十九日

再吉林二品銜卽補佐領委營總趙福信一員已蒙

恩允獎勵惟原單請保參領誤書參將應請

旨仍以參領卽補

臣

一時核對未明實屬疏忽并請

交部察議伏乞

聖鑒施行謹 奏

軍機大臣奉

旨趙福信著准其更正仍以參領卽補左宗棠所請交部察議之處著加恩寬免該部知道欽此

遊擊胡石峰等請

卹片

同治七年七月二十九日

再花翎參將銜遊擊胡石峰補用守備匡義發藍翎把總喻宏源於本年閏四月十二日出隊運河西岸巡哨在景州十五里口地方被民團戕害副將李得謙於六月二十七日出隊偵探遇賊被害都司許蘭芳閏四月初八日在吳橋陣亡藍翎都司李新田藍翎千總江貴榮藍翎把總謝英榜探賊遇害均應請

旨敕部將胡石峰等照陣亡例議卹理合附片具陳伏乞

聖鑒施行謹 奏

軍機大臣奉

旨胡石峰等均著交部照陣亡例議卹欽此

奏稿卷二十八

奏

福建購米航海濟軍懇

恩獎敘摺

同治七年八月初一日

奏爲福建籌資採購大米十萬石航海濟軍於軍務大有裨益謹據實陳明顛懇

天恩獎敘尤爲出力之員以昭激勸事竊用兵之要軍食爲先直隸自上年旱潦頻仍民間蓋藏空虛糧價翔貴而官軍追賊所歷均曾被蹂躪之區州縣局城枯坐視城外客軍往來絡繹乞糴無從閉目不理村戶集鎮人民早已逃匿一空僅畱老廢守瞭向其告糴百無一應其併村結寨諸處當兵賊難分時見有人馬經過動輒執仗鳴鉦堅拒不納每當追勦緊急時糧盡食乏致誤師期兵勇因買糧入村滋生事端互相詬病甚或激成仇恨彼此各有

奏稿卷二十八

五

藉口直東一帶兵民豐隙之深大半由茲而起署閩浙督臣英桂總理船政前江西撫臣沈葆楨籌措鉅款採購大米十萬石航海濟軍然後諸軍無飢乏之虞得以壹意進勦賊須掠食而行猶有停待官軍則轉饋相繼得免稽延南人食稻腸胃相宜疾病罕生筋力亦健以故盛暑行師日與剽悍劇賊角逐於炎威震鑠之中而損折尙少用能迅起戎機剋期掃滅是則英桂沈葆楨公忠之誼臣等及諸將士宜同深感仰者也此議發於前護福建巡撫署福建藩司延建邵道周開錫及福建前署藩司卽補道夏獻綸嗣後周開錫由閩赴滬料理採運一切夏獻綸赴天津驗收均屬著有微勞應請

旨將周開錫交部從優議敘夏獻綸到津後兼轉臣軍上海購存軍裝洋火藥并在津製備軍裝該員從前隨臣江皖浙閩軍營辦理營務疊著勞績於臣軍營制素所諳悉此次航海來津辦理轉運贊畫機宜尤資裨益可否仍以福建道員儘先題奏之處出自天恩伏乞

皇太后

皇上聖鑒訓示施行謹 奏

同治七年八月初六日內閣奉

上諭左宗棠奏請將購米濟軍之員獎勵等語道員周開錫著交部從優議敘夏獻綸著仍以福建道員儘先題奏欽此

請 優獎章合才等各員片

同治七年八月初一日

再廣東提督劉松山所部營官記名提督蘇松鎮總兵法福靈阿
巴圖魯章合才記名提督格洪額巴圖魯易德麟綉武巴圖魯蕭
章開博奇巴圖魯陶定昇鏗僧額巴圖魯唐光輝呼敦巴圖魯李
雲貴達桑阿巴圖魯何作霖等七員戰功久著在該軍最爲出色
均已蒙

恩賞換勇號并正一品封典此次捻逆蕩平劉松山一軍尤爲出
力而該七員每戰必先無戰不克應請

聖恩破格優獎以彰勞績而提督立功除封典及換給勇號外惟
黃馬褂係出自

奏稿卷二十八

聖

特恩賞穿非臣下所敢妄擬究應如何

加恩之處出自

聖裁又記名提督瑚松額巴圖魯黃萬友圖勒柄阿巴圖魯易致
中奇車博巴圖魯余虎恩達春巴圖魯胡文貴法克精阿巴圖魯
楊清源法福靈阿巴圖魯李就山剛安巴圖魯陳廣發斐凌阿巴
圖魯楊世俊等八員帶隊最久驍勇素著可否請
旨賞給頭品頂帶之處出自

天恩伏乞

聖鑒施行謹 奏

同治七年八月初六日內閣奉

上諭章合才等七員均著賞穿黃馬褂黃萬友等八員均著賞給
頭品頂帶該部知道欽此

奏稿卷二十八

望

覆陳廣籌方略摺

同治七年八月初七日

奏爲遵

旨覆陳仰祈

聖鑒事竊臣於七月二十四日連鎮行營八月初五日天津途次兩奉

寄諭敬悉金順奏稱土回各匪股數甚多蔓延葭米并有髮逆袁姓大股竄至綏德

諭令廣籌方略妥爲兼顧鄭敦謹奏請調得力官兵赴榆林進剿諭令酌度情形夾擊兼顧仰見西陲兵事方殷至煩

聖慮竊維陝西所患回土各匪出沒靡常臣上年入關維時捻逆

狡猾未遑悉力搜剿嗣蒙

奏稿卷二十八

聖

特簡劉典署理撫篆陝西軍務日有起色稍紓

朝廷西顧之憂金順所陳髮逆袁姓大股竄至綏德似卽指雲巖踞逆髮捻袁大魁而言此股已經劉典派道員魏光燾原名光祿提督

劉端冕及提督劉厚基所部會剿犁巢擣穴一鼓殲除惟首逆及隨身死黨數十漏逸未獲諒茲敗殘小醜暫無能爲葭米一帶竄

匪多由花馬池定邊一帶竄來陝之北鄙與甘肅接壤各處山谷盤互素爲土匪藏匿之所其頭目以董福祥扈彰爲最著前據各

路稟董福祥扈彰均已就撫劉典函中亦略及之惟慮人數眾多安插不易未能日久帖然榆林綏德距西安千里而遙距花馬池

定邊一帶亦近千里山程荒遠郵傳闕稀無事時文牘往還已虞沈滯亂後音書寥寂傳聞互異固在意中金順拜摺時尙未知雲巖勦辦竣事故未免鯁鯁過慮耳至鄭敦謹請調得力官兵赴榆林進勦意在以入秦進勦之師爲山西防邊之用事期兼濟局勢攸宜見在凱旋各軍因河間大名一帶積潦縱橫自東徂西官道多遭漫溢人馬難行臣未拔營之前屢次遣人探視回報皆同故擬由景州取道鉅鹿任縣一帶以向彰德衛輝俟臣入覲後南旋會隊然後渡師孟津返旆西嚮其未能取道井陘諸徑由晉入秦亦實由前途被水淹阻車馱絕迹致然不僅太行之險爲可憚也

奏稿卷二十八

四

諭旨敕臣酌度情形抽派得力將弁由河保一帶渡河西向榆林節節進勦以扼賊匪東竄臣擬俟行抵懷慶後再察陝邊兵情賊勢以定行止至劉松山所部因從征既久疲病過多前此回湘招募勇丁二千北來更補見已由鄂抵豫該軍渡河後必須在洛陽一帶暫駐從新訓練一律完整乃可率以西趨郭運昌一軍過河後各將士有須給假更換者入關之期亦未能速臣之親軍各營入關後亦必須逐加整理始可卽戎未可加以迫促也山西防務旣以北路爲重自應早爲籌備綢繆於未雨之先綏遠城將軍大同鎮總兵責有專屬兵力原不爲單旣不過河助勦以勦爲防亦宜憑河設防寓防於勦豈宜遠恃鄰省勦賊官軍爲固圍之計

果如鄭敦謹所奏由晉渡河扼守榆林相機進剿從此秦賊不復東窺晉防亦臻鞏固豈非臣之至願特晉防自歸化薩托清等處由西北折而南由南折而東一千六七百里惟恃河流一綫扼賊東趨秦軍剿賊轉戰而前勢難停軍久駐河岸而回土各匪勢既蔓延北山一帶路徑紛雜臣軍雖節節掃盪而西保無漏逸餘匪乘虛東犯苟晉防稍有罅漏終難免金堤蟻穴之虞上年綏德方復而逆賊忽從西南疾趨乘冰東竄爲大局憂迨本年三月山西增募之湘軍遵調前來已無及矣事後追思悔恨何益合無仰懇天恩敕下山西撫臣綏遠城將軍預將轄境防務早爲籌畫自薩托清以訖垣曲水陸交嚴期無滲漏如須調兵募勇卽於冰橋未

奏稿卷二十八

呈

成之先上緊布置勿如前此諉謝因循再蹈覆轍是所至幸臣雖愚昧亦頗知大局爲重凡心力所可盡者斷不稍分畛域自重愆尤區區愚忱冀邀

鑒察謹一併據實覆陳伏乞

皇太后

皇上聖鑒訓示施行謹 奏

軍機大臣字寄同治七年八月十二日奉

上諭左宗棠奏遵籌布置情形一摺晉防自歸化薩托清等處由北而南一千六七百里秦軍進剿勢難久駐河岸回土各匪勢既蔓延北山一帶路徑紛雜難保無漏逸餘匪乘虛東犯左宗棠所

奏亦係實在情形所有晉省北路防務鄭敦謹當會商定安桂成
悉心籌畫河保以南沿河各邑防堵該署撫亦應督飭帶兵各員
弁嚴密布置如須調兵募勇務於冰橋未成之先趕緊籌辦毋得
專恃鄰軍援剿坐失機宜晉省防務秦師回難專任而於一切布
置機宜左宗棠仍當全局統籌力扼賊匪勿使東竄如有大股賊
匪偏近晉邊仍應迅撥兵勇入晉會剿以保完區該大臣無論從
何路入陝總以兵由東進偏賊西趨最爲要著秦回日肆彼猖亟
須添派勁旅協同剿洗劉松山郭運昌等營卽著左宗棠檄令趕
緊訓練俾迅速成軍剋期西進埽盪逆氛將此諭知左宗棠并由
五百里諭令鄭敦謹定安桂成知之欽此

軍機大臣字寄同治七年八月十六日奉

上諭戶部奏遵議提撥甘省餉銀并辦理甘肅後路糧臺大員毋庸改派一摺甘省餉需前經戶部奏准敕令左宗棠酌度勻撥嗣據左宗棠覆奏前借洋款及四成洋稅二百萬兩除劃提赴直軍餉外應分半解甘并飭王文韶等先後將洋款二十萬兩交甘省委員領解業經戶部行知遵照辦理見在九江關協甘常餉二十萬兩及江蘇等省協甘半餉十萬兩已據湖廣總督奏報分起解赴漢中轉解計此時必可陸續到甘自足以資接濟著郭柏蔭等卽飭署藩司王文韶於洋款到鄂時迅卽提出二十萬兩交甘肅委員琫武等領解并將以後解到餉銀分半給甘其湖南江西解

奏稿卷二十八

聖

到協甘餉銀亦卽按月分半解往毋許遲滯致誤要需至左宗棠前奏赴直軍餉於洋款二百萬兩內劃提支用所餘洋款仍著左宗棠估計甘省應分一半之數報部備覈甘肅後路糧臺著照該部所議仍責成王文韶兼辦毋庸改派以期呼應較靈再陝甘軍營保奏記名提鎮人員其中如有曉暢戎機長於訓練能實心實力整飭營務者著左宗棠穆圖善悉心察訪出具切實考語隨時奏聞候旨錄用將此諭知左宗棠并由五百里諭知穆圖善郭柏蔭傳諭何璟知之欽此

陝甘餉源奇絀請指撥實餉摺

同治七年八月十六日

奏爲陝甘餉源奇絀請

旨敕下軍機大臣會同戶部籌議指撥實餉以奠危疆仰祈

聖鑒事竊陝甘籌餉之艱天下共知其所以異於諸省者地方荒

瘠物產非饒一也舟楫不通懋遷不便二也各省雖遭捻逆髮逆

之害然或旋擾旋復或腴區被擾瘠地猶得苟全或衝途被擾僻

鄉猶能自固陝甘則漢回錯處互相仇殺六七年來并無甯宇新

疇已廢舊藏旋空搜掠既頻避移無所三也變亂以來漢回人民

死亡大半牲畜掠食鮮存種藝既乏壯丁耕墾并少牛馬生穀無

資利源遂塞四也兵勇餉數各省雖贏縮不同然日食所需尚易

奏稿卷二十八

吳

點綴以糧價平減購致非難故也陝甘則食物翔貴數倍他方兵

勇日啖細糧二斤卽需銀一錢有奇卽按日給予實銀一飽之外

并無存畱鹽菜衣履復將安出五也各省地丁錢糧之外均有牙

釐雜稅捐輸各項勉供挹注陝西釐稅每年尙可得十萬兩內外

甘省則并此無之捐輸則兩省均難籌辦軍興既久公私交困六

也各省轉運雖極繁重然陸有車馱水有舟楫又有民夫足供雇

運陝甘則山徑犖确沙磧荒遠所恃以轉饋者惟馱與夫馱則驟

馬難供夫則雇覓不出且糧糗秣料事事艱難勞費倍常七也用

兵之道期撫兼施撫之爲難尤甚於剿者戰勝之後別無籌畫

撫則受降之後更費綱繆各省受降惟籌給資遣散令其各歸原

籍而已陝甘則釁由內作漢回皆是土著散遣無歸非籌安插之地給牲畜籽種不可其未及安插之先非酌籌口食之資不可用費浩繁難以數計八也陝甘用兵頗多爲時又久亂後荒瘠殊常購糧不易各軍每於人煙稍密種植稍多地方隨宜安紮營壘始猶藉稱保護莊稼給錢辦糧繼則捐派民間不給價值甚且搜掠殆盡民不敢爭以致轉徙流離變而爲匪或被逆回蓄養苟且偷生甘爲從教之人黨惡助逆章奏中所稱甘省飢民土匪大率此類居多若不及早覈實汰存予以實餉俾其有所藉口則軍令有所不行垂盡之殘黎靡有孑遺未荒之土地盡成榛莽而西陲之事不可復問矣臣之立意仿漢趙充國議開屯以省轉饋撫輯以

奏稿卷二十八

吳

業災民且防且剿且戰且耕不專恃軍威爲戡定之計者區區之愚蓋以辦回逆與剿羣寇不同陝甘事勢與各省情形各別將欲奠此一方永弭後患則固不敢急旦夕之效而忘遠大之規也通計陝西每年缺餉一百五六十萬兩甘肅每年缺餉二百餘萬兩而屯田之資撫輯之費不與焉茲幸捻逆蕩平海內兵事漸息餉事亦藉資周轉合無仰懇

天恩敕下軍機大臣會同戶部酌議籌撥陝甘的餉俾微臣得從

容整理以奠危疆則陝甘軍民共戴

皇仁於無窮而臣亦得仰賴

鴻施稍寬咎責矣其劉松山一軍餉需向由兩江接濟曾國藩於

此軍始終加意保全并無延誤臣前已附片陳明未蒙

宣示茲馬新貽調督兩江應併懇

聖慈敕下該督臣照常協撥俾得有所展布不勝欽感之至所有

陝甘餉源奇絀請

敕會籌指撥實餉情形謹據實陳明伏乞

皇太后

皇上聖鑒訓示施行謹 奏

軍機大臣奉

旨軍機大臣會同戶部速議具奏摺併發其劉松山餉需已諭令
馬新貽協撥矣欽此

奏稿卷二十八

辛

請將各省酌留釐金移作西征軍餉片

同治七年八月十六日

再臣軍入陝餉需必須隨時接濟而近來各省協餉未能如期撥解縱使函牘交催多以空言搪塞陝甘距東南各省較遠轉運維艱卽各省協濟有款報解之後亦非數月不能到陝往往停軍待餉致誤機宜臣於上年兩次奏請借撥洋餉由各該藩司解還各海關歸款誠以借款由各省歸還於款目并無出入而臣軍得此鉅款卽可預先籌畫立濟要需見在軍務蕩平東南各省餉事足敷周轉雖釐金一項曾奉

諭旨量爲裁減酌留大宗統計爲數尙鉅似可移作西征軍餉臣軍除前奉部撥各餉外此次江蘇江西湖北四川等省復有請

奏稿卷二十八

三

旨加撥之餉應如何按月提撥妥爲經理抑仍准臣援照上年成案酌借洋款由釐金項下歸還俾臣西行無顧慮之處伏乞敕部一併會同速爲議覆施行無任感激待

命之至謹附片具陳伏乞

聖鑒施行謹 奏

軍機大臣奉

旨戶部速議具奏片併發欽此

前借部撥餘餉應由直隸督

臣辦理片

同治七年八月十六日

再 臣前次借撥部餉五萬兩僅動用二萬一千兩餘二萬九千兩已解交直隸軍需局收存或仍解還部庫或留抵直隸兵餉應由直隸督 臣奏明辦理其 臣軍借撥之二萬一千兩俟 臣回陝後再當籌措解回戶部理合附片陳明伏乞

聖鑒謹 奏

軍機大臣奉

旨戶部知道欽此

奏稿卷二十八

三

籌備晉防請催臬司蔣益澧赴任片

同治七年八月十六日

再臣欽奉七年八月十二日

上諭晉省北路防務鄭敦謹當會商定安桂成悉力籌畫河保以南沿河各邑防堵該署撫亦應督飭帶兵各員弁嚴密布置如須調兵募勇務於冰橋未成之先趕緊籌辦毋得專恃鄰軍援剿坐失機宜晉省防務秦師固難專任而於一切布置機宜左宗棠仍當全局統籌力扼賊匪勿使東竄等因欽此昨承

召見復承

聖諭諄諄以晉防爲念跪聆之下仰見

宸謨廣運至爲周詳臣敢不竭盡心力之所能爲以冀稍酬

奏稿卷二十八

七

高厚查晉防自薩托清等處由北而南一千六七百里每當冰橋合成之際無險可扼深爲可虞見蒙

敕山西撫

臣

鄭敦謹等預籌布置鄭敦謹等似應一面另籌調兵

一面先儘見有兵力嚴爲設防惟就

臣

見聞所及晉省將領得力

者頗覺乏人已革山西臬司陳湜雖係獲咎之員然於兵事尙有

閱歷見已交卸臬司篆務調度恐有難靈應由山西撫

臣

發給該

革員統帶關防責令仍辦防務暫資統攝如能奮勉出力再行量

請

恩施新授山西臬司蔣益澧并請

敕催迅速赴任該員從征有年戰績卓著應行選募勇丁若干請

諭令該臬司自行酌度辦理所需餉項卽由湖南北督撫臣先
爲墊給以利師行可否令其督辦山西防務專摺奏事俾免牽制
之處出自

逾格鴻慈謹附片具奏伏乞

聖鑒謹 奏

軍機大臣奉

旨另有旨欽此

奏稿卷二十八

奏

軍機大臣字寄同治七年八月十八日奉

上諭左宗棠奏籌備晉防請催臬司赴任等語晉省西北兩路防務緊要自應於冰橋未成之先預籌堵遏方免臨時張皇左宗棠請令鄭敦謹一面另籌調兵募勇一面先儘見有兵力嚴爲設防卽著該署撫懷遵疊次諭旨實力嚴防如另有可調之兵暨添募勇丁之處并著趕緊籌畫以期有備無患已革臬司陳湜因病乞假旋省已諭令仍赴防所惟旣交卸臬司篆務深恐調度不靈反致誤事著鄭敦謹刊就木質關防發交該革員開用責令督率各員嚴密防堵以資統攝新任臬司蔣益澧屢催赴任迄未成行晉省防務喫緊何得託故遷延著劉岷傳知蔣益澧迅卽馳赴本任

奏稿卷二十八

壹

應行選募勇丁若干卽由該臬司自行酌度辦理所需餉項著郭柏蔭劉岷何璟先爲墊給以利進行蔣益澧到任接辦防務後所有在防文武兵勇概歸節制調遣如有粉飾疏忽抗玩軍令者卽由蔣益澧稟知鄭敦謹從嚴參奏其一切應辦事宜并著蔣益澧隨時與鄭敦謹妥商籌辦以副委任左宗棠本有節制晉省軍務之責一切布置機宜仍著該大臣妥籌兼顧毋得稍分畛域貽誤事機湖北湖南各營保奏記名提鎮人員如有曉暢戎機長於訓練能實心實力整頓營務者著郭柏蔭劉岷悉心察訪出具切實考語隨時奏聞候旨錄用將此諭知左宗棠并由五百里諭知鄭敦謹郭柏蔭劉岷傳諭何璟知之欽此

